



Broj: 05-1729-5/19  
Sarajevo, 24. 05. 2019. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-1729-4/18 od 22. 05. 2019. godine i člana 16. Statuta Agencije za bankarstvo Federacije BiH („Službene novine Federacije BiH“, broj: 3/18) direktor Agencije za bankarstvo Federacije BiH donosi

## **O D L U K U**

### **o izboru najpovoljnijeg ponuđača u postupku nabavke roba**

#### **I.**

Prihvata se preporuka Komisije za provođenje postupka javne nabavke pogonskog goriva za potrebe Agencije za bankarstvo Federacije BiH (u nastavku: ugovorni organ) broj i datum iz uvodnog dijela ovog akta i okvirni sporazum za predmetnu nabavku dodjeljuje se društvu „Hifa-Petrol“ d.o.o. Sarajevo, kao najbolje ocijenjenom ponuđaču po predmetnom postupku javne nabavke.

#### **II.**

Ukupna vrijednost okvirnog sporazuma iz tačke I. ove odluke bez uračunatog poreza na dodanu vrijednost (PDV), iznosi 37.000,00 KM.

#### **III.**

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

#### **IV.**

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su sudjelovali u ovom postupku.

#### **V.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

## **O B R A Z L O Ž E N J E**

Odlukom o pokretanju postupka javne nabavke pogonskog goriva, broj: 05-1729/19 od 07. 05. 2019. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem konkurentskog zahtjeva za dostavu ponuda, a kriterij za dodjelu ugovora je najniža cijena tehnički prihvatljive ponude. U skladu s članom 35. Zakona, Obavještenje o nabavci broj: 3010-7-1-178-3-32/19 objavljeno je na Portalu javnih nabavki 10. 05. 2019. godine. Procijenjena vrijednost nabavke utvrđena je u iznosu od 37.000,00 KM – bez poreza na dodanu vrijednost (PDV).

U skladu s odlukom ugovornog organa imenovana je Komisija za javne nabavke (u nastavku: komisija), kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda (u nastavku: Zapisnik), 05-1729-4/18 od 22. 05. 2019. godine u kojem je utvrđeno da su po predmetnom postupku evidentirane dvije pravovremeno pristigle ponude, i to od strane ponuđača "Hifa-Petrol" d.o.o. Sarajevo i "Energopetrol" d.d. Sarajevo.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača „Hifa-Petrol“ kvalifikovana i prihvatljiva, te da su dostavljeni svi traženi dokazi propisani tenderskom dokumentacijom, na propisan način;
- da se ponuda ponuđača „Energopetrol“ d.d. Sarajevo odbacuje na osnovu člana 68. stav (1) i stav (4) točka i) Zakona

U ponudi navedenog ponuđača evidentirane su slijedeće nepravilnosti:

- Ponuđač „Energopetrol“ d.d. Sarajevo nije ispunio minimalne uslove za kvalifikaciju navedene u poglavlju 3. (Uslovi za kvalifikaciju ponuđača), tačka 3.3. (Ekonomska i finansijska sposobnost – član 47. Zakona), iz razloga što je isti izostavio dostaviti Potvrdu izdatu od strane poslovne banke da njegov „glavni račun“ nije blokiran u zadnjih 12 (dvanaest) mjeseci od dana obavještenja o nabavci.

U vezi s navedenim komisija je konstatovala da navedeni ponuđač nije ispunio u cijelosti sve zadane uslove iz tačke 3. TD – Ekonomska i finansijska sposobnost ponuđača, odnosno člana 47. Zakona.

Slijedom gore navedenog u slijedećoj tabeli daju se rezultati rangiranja ponuda prema kriteriju za dodjelu okvirnog sporazuma, kako slijedi:

Redni broj	Ponuđači	Ukupna cijena, bez PDV-a
1.	Hifa-Petrol d.o.o. Sarajevo	37.858,00 KM.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuku da se istom, saglasno članu 69. stav (1) tačka a) Zakona, dodijeli okvirni sporazum u predmetnom postupku nabavke.

Uvažavajući sve navedeno, primjenom člana 64. stav 1. tačka a) Zakona, člana 25., člana 70. stavovi 1., 3. i 6. Zakona i člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta ugovornog organa, odlučeno je kao u tački I. ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



**DIREKTOR**

Jasmin Mahmuzić

Dostaviti:

- svim učesnicima u postupku
- a.a.